

ایله اتخاذ اولنور. جلسه لرده اك آز یدی اعضانك حاضر بولمسی لازمدر.
رئیس جلسه بی اداره و جمله اعضا بوکار عایتله موظفدرلر. کاتب ضبطنامه بی
تنظیم و مقرراتی اجرا ایلر. هیئت فعاله اعضاسی مایینده لزوم کورورسه
مبادله وظائف ایده بیلورلر.

٢٧: — هیئت فعاله صلاحیتنه بالخاصه وظائف آتیه مودوعدر:

- (١) مجلس عمومی و هیئت مرکزیه نك مقرراتی اجراء تشکیلاتك دیگر هیئتلرینه،
بو نظامنامه داخلی موجبجه و فرقه پروغرامی مؤداسنجه تعلیمات اعطا ایتك،
- (٢) فرقه هیئتلری و اعضاسنك فرقه پروغرامی اساسی نظر اعتبارده
بولوندرملری و فرقه ضبط و ربطی اخلاص ایتمه لری تئید ایتك،
- (٣) فرقه مروج افکاری جریده لری اداره، هیئت تحریریه لری تعیین
وبونلرله فرقه نك هانکی اوراقی انتشار ایده جفتی تقدیر ایتك،
- (٤) بوتون وارداتك کندی زماننده حیایت اولمسنه دقت ایتك،
- (٥) سنوی بودجه بی تنظیم ایتك،
- (٦) مجلس عمومی و هیئت مرکزیه عرض اولونا جق تکلیفات و ایضاحاتی
تنظیم ایتك،

٢٨: — بوتون هیئتلر اوج سنه مدته انتخاب اولنور.

(تفتیش)

٢٩: — وزنه و حسابات تفتیش اولنورلر. بو وظیفه ایچون هیئت
مرکزیه اوج اعضایی انتخاب ایلر. بونلر وزنه بی معاینه و فرقه دفاتر
و حساباتی تفتیش ایتك حققی خا زدرلر. بو حققرینی سنه ده اك آز بر دفعه
استعمال ایتك موظفدرلر. هیئت تفتیشیه اعضا لرندن بریسنك اصول دفترییه
آشنا اولسی لازمدر. هیئت تفتیشیه معاملاندن هیئت مرکزیه یه ایضاحات
عرض ایلر. بوندن مقدم قیوداتده مشاهده ایده جکی نقصانیت حققنده هیئت
فعاله و یا مأمور مخصوصندن استیضاح کیفیت ایتسی لازمدر.

وزنه اكسیکی ایچون وزنه داولر طولایسیله مأمورین مسئول و نقصانی
تضمینه مجبوردرلر.

مبعوثان قلوبی

٣٠: — فرقه نك مجلس مبعوثانده مقدار کافی اعضاسی اولدیلقی
هیئت مرکزیه کسب قناعت ایتدیکی وقت فرقه مبعوثانی قلوبی تأسیس
و فرقه نك سیاسی مشاغلی بوکا تودیع اولنور.

قلوب، مقرراتی ایچون هیئت مرکزیه یه مسئولدر. مواد مهمه
مذاکره سنده فرقه مبعوثانی هیئت مرکزیه نك دیگر اعضا لری ده قلوب
جلسه لرینه دعوت ایده بیلور. فقط بونلرک قلوبده حق رایلری یوقدر.
قلوب جلسه لرنده اثبات وجود ایدن اعضانك اکثریت آراسیله اتخاذ
قرار اولنور. جلسه یه دعوت اوانوب کلیان اعضانك قلوب مقرراتنه
موافقت ایتدکلی حکم اولنور.

جلسه لر قلوب ریاستنك تقدیر ایتدیکی اصوله اداره اولنور. مذاکرات
ضبطنامه لری طو تولوب بالنهایه هیئت فعاله تحریرات دائره سنده حفظ اولنور.
قلوبده اتخاذ اولنان بوتون قراولرله هیئت فعاله یی خبردار ایتك
لازمدر. هیئت فعاله، فرقه نك باش مروج افکاری غزنه سنك اوکا کوره
توفیق نشریات ایتسی ایچون لزوم کوردیکی مقررات حققنده هیئت تحریریه سنه
عرض معلومات ایلر.

مطبوعات

٣١: — فرقه افکار و نظریاتی ترویج ایتدییره جک بر باش غزنه
و دیگر ملت ایچون مفید رساله لر نشر ایده جکدر. بو نشریاتی هیئت تحریریه
و یا هیئت مخصوصه لر اداره و تفتیش ایده جکدر. بونلر معاملات و فعالیتلری
ایچون هیئت فعاله یه مسئولدرلر. هیئتلر لزومه کوره تجمع و مناسب بولدقلری
صورتنده آرا لرنده تقسیم وظائف ایدرلر.

هیئت تحریریه مقاله لر ایچون اکر امیه لری تقدیر و تأدیه ایلر. هیئت
تحریریه، جریده نك فرقه سیاسی پروغرامنه توفیقاً و هیئت طائده نك ملاحظاته
تألیفاً نشر اولمسنه بالخاصه دقت ایده جکدر. بونك ایچون جریده مدیر